

**Lidorkam.**

Štóz chce so z Wami spřecelić,  
 Ma lidorjenje rozymić  
 A zacpić runu wahu —  
 Dosć njelepakow tyka so  
 Do Wašoh' kumšta sławneho  
 A pječe samu žahu:  
 Nic wěrnno, bratřa lidorsecy,  
 Wot Was so wuknje mišterscy! (1870.)

**Starym hólcam.**

Bez towarša a towarški  
 Štóz přez žiwjenje dže,  
 So ducy z nikim njezwadzi  
 A swój knjez přeco je. (1870.)

**Při měrje 1871.**

Bóh wobtwjerdz zwjazki jednoty,  
 Kaž wopor bě tež towaršny;  
 Njech Serbstwo, Němstwo kćeje  
 A lubosć wobej hrěje. (1871.)

**Knjejskemu hordačej.**

Dosis:

Radšo z małym započec,  
 Z wulkim potom dokonjeć:  
 To k zbožu puć je prawy.

Antidosis:

Knjezowski započatk,  
 Prošerski dokonjatk,  
 Jeli Bóh nječini džiwy. (1871.)